






O LE FALEFETAFA'I

Lesona 13, Setema 27, 2025



“Ona ufitia lea o le falefetafa'i o le faapotopotoga i le ao, ua tumu foi le malumalu i le pupula o Ieova. ... Auā o le ao o Ieova sa i luga lava o le malumalu i le ao; sa i ona luga foi le afi i le po, i luma o le aiga uma o Isaraelu, i la latou malaga uma.”


Esoto 40:34, 38



O mataupu mulimuli o le tusi o Esoto o loo aumaia ai ni faamatalaga auiliili o le fausiaina ma le faapaiaina o le Falefetafai.

O ni taimi faapitoa ia, sa mafuta atu ai tagata ma le olioli tele, tuuina atu ni saofaga—a tagata taitoatasi i se mea latou te mafaia—mo lenei galuega tele mo le Atua.

O le mafuaaga autu na tuuina mai ai e le Atua mo le fausiaina o lenei Malumalu, ia mafai ona feaveai, o Lona finagalo ia mau faatasi ma Ona tagata (Esoto 25:8). O lenei manaoga na faataunuuina e Iesu i Lona tino tagata, ma o le a iloa atili pe a tatou faatasi uma ma Ia i le Lalolagi Fou.



O le Sauniuniga:



O le Sapati (Esoto 35:1-3)



Taulaga Ofo fuaina (Esoto 35:4-36:7)



O le Falefetafa'i:



O le Fausiaina (Esoto 36:8-39:43)




O le Faapaiaina (Esoto 40:1-38)




O isi Falefetafa'i:



O Iesu ma le Ierusalem Fou



O LE
SAUNIUNIGA





O LE SAPATI

“E ono aso e fai ai galuega, ao le aso fitu e paia lea ia te outou, o le Sapati e malolo ai ia Ieova; ai se faigaluega ai e fasiotia lava ia” (Esoto 35:2)

Ina ua uma ona maua se vaaiga o le mamalu o le Atua, ona faailoa atu lea e Mose i tagata “O mea na poloai mai ai leova ia faia” (Esoto 35:1, 4). O nei faatonuga e aofia ai ma lo latou sootaga ma le Atua i lea taimi (le Sapati) ma se avanoa (le Falefetafa’i).

Na atofaina e le Atua le Sapati o se taimi faapitoa mo i tatou e mafuta fiafia faatasi ai o’i tatou ma la i le foafoaga lava ia ma sa la faamanatu atu ia Isaraelu lenei mea a’o lei leva lava ona folafola atu Poloai e Sefulu (Esoto 16:22-29).




O loo faamanatu mai e le Sapati i a’i tatou e faapea o le Atua o lo tatou Foafoa ma lo tatou Togiola (Teuteuronome 5:15), ma aveina atu i tatou i se taimi oi luma e mafai ai ona tatou olioli faatasi ma la e faavavau (Isaia 66:22-23).



O TAULAGA O LE LOTOFUATIAIFO

“Ina fai ia e outou se taulaga ia Ieova, e taitoatasi o lē manatu i ai i lona loto, ia aumai e ia le taulaga ia Ieova, o le auro, ma le ario, ma le 'apamemea [...] Oi latou uma foi o ia te outou ua popoto, ia latou o mai, ma latou faia mea uma lava ua poloai mai ai Ieova” (Esoto 35:5,10)



E lua auala e faasoa atu ai i le galuega o le Falefetafai: o le foai atu o mea e fai a’i le galuega ma le faatinoina o le galuega


E sili atu nai lo le tone o auro, e tusa ma le 3.75 tone o siliva, ma e tusa ma le 2.5 tone o apamemea e faaaogaina, e faapea foi ma laau ma ie lanu eseese (Esoto 38:21-31).

E mai fea nei mea uma? O le tele o ia mea na aumai e Israelu mai tagata Aikupito ina ua latou o ese mai (Esoto 11:2).

E le gata i lea, sa manaomia galuega a tagata faia ipu, o su’isu’i ma su’iofu, o kamuta, o tagata e taina mamanu, o tagata e teuteuina maa taua, atoa ma isi mea sa faaaogaina

Sa matua naunau tagata uma e fesoasoani, ona faapea atu lea o Pesaleli, o Aliavu, ma isi o loo faia le galuega ia Mose, ia taofi tagata mai le aumaia o taulaga, ua lava ma totoe (Esoto 36:3-7).

Ina ia faataunuuina lenei galuega, na totoina e le Agaga Paia i le aufaigaluega i latou uma o loo i ai meaalofa latou te faia le galuega (Esoto 35:30–36:2). Na faapena foi, na faaaauau ona la tuuina atu o meaalofa uma ua talafeagai ai ma i latou uma o e o loo galulue i le galuega a le Atua.



“Na tuuina atu e le Atua i alii ma tamaitai ia umia ni meaalofo taua. Na Ia foaiina atu i tagata eseese o meaalofo eseese. E le o tagata uma e tutusa le malosi o le amio pe tutusa foi le loloto o le poto. Ae e tataui i tagata taitoatasi ona faaaogaina ana meaalofo i le galuega a le Matai, poo le a lava le foliga ititi mai o nei meaalofo. O le tausimea faamaoni e fefaataua’i ma le poto ni mea lelei ua tuuina atu ia te ia.”




O LE FALEFETAFA'I

O LE GALUEGA A LE 'AU FAUFALE


"Ona vaavaai lea o Mose i le galuega uma lava; faauta lava, ua latou faia e pei ona poloai mai ai o IEOVA, ua faapea ona latou faia. Ona faamanuia lea oi latou e Mose" (Esoto 39:43)




O a ni elemeni e manaomia mo le faataunuina o tiute tauave i le Falefetai mo Fonotaga?



Falefetafai
(Mea Paia ma le
potu Silisili ona
Paia)



O le atolaau
auro



O le laulau o
areto



O le
tuugalamepa




Fata e mu ai
mea manogi



Fatafaitaulaga
mo taulaga mu




Faatanoavai
apamemea



Lotoā i fafo




O le efota



O le
ufifatafata




O ofu uma



GALUEGA A LE AU FAUFALE

Ina ua uma ona fausia le Malumalu (le Falefetafai ma le lotoa) ona faia lea o ni auaunaga tulaga ese se lua: o aso faisoo ma tausaga taitasi. O a latou sauniga eseese, avea faatasi, ua a'oa'o mai ai i a'i tatou e faapea:



E le fiafia le Atua i le agasala

E laveaiina e le Atua le tagata agasala


E faaumatia e le Atua le amioleaga

Ua folafola mai e le Atua i a'i tatou se lumanai matagofie

O se auaunaga i aso taitasi, na faaalia ai e le Atua le auala e ao ona la faamagaloina ai le tagata agasala, e ala i le alofa tunoa, o le tagata agasala: e fasia le manu e leai se sala, “O le Tamai Mamoe lea a le Atua, Na te aveesea le agasala a le lalolagi” (Ioane 1:29).


I se auaunaga faale-tausaga (Aso o le Togiola), na faaalia ai e le Atua le auala o le a la tafiesea ai le agasala mai le atulaulau, ma faaalia ai se tali mulimuli i le faafitauli o le amioleaga (Salamo 73:17).

O le Malumalu foi o se nofoaga lea e tapuai ai i le Atua, vivii ma faailoa atu le agaga faafetai ia te Ia



O LE FAAPAIAGA

"Ona ufitia lea o le falefetafai o le faapotopotoga i le ao, ua tumu foi le malumalu i le pupula o Ieova" (Esoto 40:34)



O loo faaiuina le tusi o Esoto i le faapaiaina o le Malumalu ma ona ositaulaga. O le autu o lenei mataupu e le taumatea o le Atua lava, o Lē na te faatumuina mea uma i Lona afioaga mamalu (Esoto 40:34). O lenei Afioaga, na faaauau pea ona o faatasi ma le Falefetafai i le ao ma le Sekaina (o le faaaliga lea o le mamalu faale-lagi i le va o kerupi o le atolaau).



Ina ua mavae ni masina o le galuega, ona faatuina lea o le malumalu i le uluai aso o le masina muamua o le lona lua o tausaga talu ona o ese mai Aikupito (Esoto 40:2, 17). O mea uma na faatulagaina i lona faasologa (atolaau, ie puipui, la'oai, tuugalamepa, fata auro (e mu a'i le mea manogi), fata-apamemea e fai a'i taulaga mu, ma le tanoa vai), ma faapaiaina ai loa (Esoto 40:9).



Mulimuli ave, ona faaofuina ai lea o Arona ma ona atalii i o latou ofu faa-ositaulaga, ma faauuina ai mo la latou misiona (Esoto 40:12-15).



“E leai se gagana e mafai ona faamatalaina le mamalu o le vaaiga o loo faaalia i totonu o le malumalu—o puipui e ufiufi i le auro ua susulu ai le malamalama mai le tuugalamepa auro, o lanu pupula o ie pupuni ua teuteuina faatasi ai ma a latou agelu pupula, o le la’oai, ma le fata e faamu a’i mea manogi, ua fe’ilafi i le auro; i tala atu o le ie puipui lona lua, o le atolaau paia ma ona kerupi, ma o luga a’e o le Sekaina paia, o se faaaliga vaaia o le faatasi ai o leova; o mea uma ua na o se ata faanenefu o le mamalu o le malumalu o le Atua i le lagi, o le totonugalemu lea o le galuega tele mo le togiolaina o le tagata.”



O ISI FALEFETAFA'I

O IESU MA LE IERUSALEMA FOU

“Ua liu tino tagata le Lokou, sa mau foi o Ia ma i tatou” (Ioane 1:14a)

“Na ou faalogo foi i le leo tele mai le lagi, ua faapea mai, “Faauta! Ua faatasi ma tagata le falefetafai o le Atua, e mau foi o Ia ma i latou. E fai foi i latou Mona nuu, e ia tei latou le Atua lava, o lo latou Atua ia” (Faaaliga 21:3)



O le uiga moni o le Ioane 1:14 e faapea, na liutino tagata Iesu ma “falefetafai” (sa mau) faatasi ma i tatou. I Lona liutino, o Iesu, o le Atua e faavavau, na faataunuuina Lona faanaunauga ia mau faatasi ma i tatou i le tino. Na avea o Ia o Emanuelu, o lona uiga ua ia tei tatou le Atua (Mataio 1:23).



E ala i le Agaga Paia, o loo faaauau pea ona mau o le Atua faatasi ma i tatou i aso nei (Mataio 18:20; 1Korinito 3:16).

Ae ua lata ona oo mai le aso o le a mafai ai ona tatou tutū faafesagai ma lo tatou Atua, ma mau faatasi ma Ia, i le Falefetafai o le tupu; o Ia lava na saunia mo i tatou: o le Ierusalem Fou lea (Faaaliga 21:3).

O le a tupu lenei mea pe a mae’a le Fuafuaga o le Faaolataga, ma tafieseaa atoatoa ai le leaga.



“Na poloa’ina e le Atua Mose mo Israelu, “Ia latou faia mo Ia se malumalu; e mafai ona Ou nofo faatasi ai ma i latou” (Esoto 25:8), ma afio ai o Ia i le malumalu, i le lotolotoi o Ona tagata. I lo latou vaivai i feoa’iga uma i le toafa, sa i ai faatasi ma i latou le faailoga o Lona afio ai. O lea na faatuina ai e Keriso Lona afioaga i le totonugalemu o la tatou toagalauapi faale-tagata. Sa Ia faatuina Lona fale’ie i tafatafa lava o fale’ie o le nuu, ina ia mafai ona afio faatasi ai ma i tatou, ma ia faamasani ai i tatou i Lana amio ma Lona soifuaga.”